



SIARAN AKHBAR

S.A. 2023/12/20_68 (HQ)

TNB DAN SIME DARBY BEKERJASAMA MEMPERCEPAT PEMBANGUNAN BANDAR LESTARI DI MALAYSIA

- TNB dan Sime Darby Property berganding bahu untuk mempercepatkan inisiatif tenaga mampan
- Projek termasuk pemasangan solar atas bumbung, infrastruktur pengecasan kenderaan elektrik dan penyelesaian mikrogrid dalam pembangunan Perbandaran Sime Darby Property

Tenaga Nasional Berhad (TNB) dan Sime Darby Property Berhad bergabung tenaga membentuk kerjasama bermakna dengan mempercepatkan projek tenaga mampan dalam kawasan pembangunan hartanah Perbandaran Sime Darby Property. Dimeterai melalui Memorandum Persefahaman (MoU), kerjasama ini memahatkan anjakan ketara ke arah tenaga bersih Malaysia, sekali gus mengukuhkan komitmen ke arah masa depan lebih hijau dan lestari.

Sebagai penyedia penyelesaian tenaga lestari terkemuka, TNB menerajui penyelesaian tenaga mampan dalam pembangunan perbandaran melalui kerjasama secara strategik dengan pemimpin industri seperti Sime Darby.

TNB akan menumpukan pelaksanaan pelbagai inisiatif tenaga mampan termasuk pemasangan solar atas bumbung, infrastruktur pengecasan kenderaan elektrik (EV) dan penyelesaian mikrogrid inovatif dalam perbandaran Sime Darby Property dalam tempoh dua tahun ini. Kerjasama ini menterjemahkan dedikasi TNB dalam merintis penyelesaian tenaga mampan dan komitmen Sime Darby Property untuk memupuk pembangunan yang mementingkan alam sekitar.

Usaha ini menyokong objektif tenaga bersih Malaysia, sejajar dengan Pelan Hala Tuju Peralihan Tenaga Nasional (NETR). Ia juga menandakan komitmen Syarikat Berkaitan Kerajaan (GLC) untuk mengurangkan jejak karbon.

"Kerjasama ini merangkumi komitmen bersama kami untuk memacu peralihan tenaga lestari," kata Presiden dan Ketua Pegawai Eksekutif TNB, Dato' Seri Ir. Baharin Din. "Melalui MoU ini, kami menasarkankan untuk menyumbang secara signifikan kepada objektif tenaga bersih Malaysia selaras dengan visi mencapai 70% kapasiti tenaga boleh baharu (TBB) menjelang 2050."

MoU yang memperkukuh kerjasama pembangunan lestari itu ditandatangani Ketua Pegawai Retail TNB, Kamal Arifin A. Rahman dan Ketua Pegawai Eksekutif Sime Darby Property, Dato' Ir. Mohd Sohimin Mohd Alayedini dengan disaksikan oleh Pengerusi TNB, Dato' Abdul Razak Abdul Majid dan Baharin. Ini menandakan pencapaian penting dalam komitmen bersama mereka menuju masa depan rendah karbon.

Ia adalah pengluasan kerjasama kedua-dua belah pihak yang dicetuskan bersama melalui penyelesaian Rumah Hijau Pintar di Elmina Grove di City of Elmina, Shah Alam, Selangor, dengan menekankan kepada agenda alam sekitar, sosial dan tadbir urus (ESG).

Menghurai lebih lanjut pengukuhan kerjasama itu, Baharin menyifatkannya sebagai, "Perkongsian ini adalah bukti komitmen bersama kami untuk merealisasikan Sifar Bersih 2050 dan melaksanakan amalan mampan dalam operasi dan komuniti kami. Ini mengukuhkan lagi kepimpinan TNB dalam merencanakan peralihan tenaga yang bertanggungjawab dan menyerlahkan dedikasi kami memanfaatkan penyelesaian inovatif untuk masa depan lebih mampan."

Gandingan TNB dan Sime Darby Property ini memahatkan langkah penting ke arah tenaga bersih di Malaysia dan komitmen mewujudkan lebih banyak bandar mesra alam. Gandingan ini memimpin laluan masa depan lebih hijau, menjadi contoh pembangunan mampan dan menyokong matlamat Malaysia ke arah persekitaran lebih bersih.

Released in Kuala Lumpur on 20 December 2023 at 10:00 am

Kindly forward all press enquiries to Hanim Idris at 019-2617617 /

Grace Tan 016-6626229 / Faiq Haikal 013-3889606 / Atikah Aqilah 011-10772731

or email us at media@tnb.com.my



Ketua Pegawai Retail TNB, Kamal Arifin A. Rahman, dan Ketua Pegawai Eksekutif Sime Darby Property, Dato' Ir. Mohd Sohimin Mohd Alayedini, bertukar dokumen Memorandum Persefahaman (MoU) baru-baru ini di Kuala Lumpur. Majlis itu menyaksikan kehadiran peneraju industri utama, termasuk Pengerusi TNB, Dato' Abdul Razak Abdul Majid (tengah); Presiden dan Ketua Pegawai Eksekutif TNB, Dato' Seri Ir. Baharin Din (tiga kanan); Ketua Pegawai Operasi TNB, Datuk Ir. Megat Jalaluddin Megat Hassan (tiga kiri); Pengarah Program (PMO Kenderaan Elektrik) TNB, Wan Ahmad Zam Zam Wan Abd Wahab (kiri sekali); Pengarah Urusan GSPARX, Elmie Fairul Mashuri (dua kiri); Pengerusi Sime Darby Property, Rizal Rickman Ramli (dua kanan); dan Pengarah Urusan Kumpulan Sime Darby, Dato Azmir Merican (kanan sekali). Pertukaran dokumen MoU ini menandakan komitmen kerjasama ke arah memajukan inisiatif tenaga mampan untuk masa depan yang lebih hijau.